



ԳԼԽԱՎՈՐ ԽՄԲԱԳՐԻ ՍՅՈՒՆԱԿ

Սիրելի ընթերցող,
քո դատին է ներկայացվում «Բանբեր
Հայաստանի գրադարանների» հանդեսի վեցերորդ
համարը:

Հոդվածները ներկայացված են ըստ հետևյալ թեմատիկ ուղղությունների՝ «Գրադարանային կրթություն», «Մշակութային ժառանգություն», «Մատենագիտություն. տեսական և գործնական խնդիրներ», «Համայնքային գրադարան», «Գրադարանային վիճակագրություն և վերլուծություն»:

Հավատարիմ մնալով ամսագրի որդեգրած սկզբունքներին՝ ներառել ենք մագիստրոսական երկու ավարտաճառեր՝ պաշտպանված ՀՀ ԳԱԱ Գիտակրթական միջազգային կենտրոնի «Գրադարանային տեղեկատվական աղբյուրներ» և ՀՊՄՀ «Թանգարանագիտություն, գրադարանագիտություն և մատենագիտություն» ամբիոններում:

2018 թ. մայիսին նշվեցին Հայաստանի Առաջին Հանրապետության կազմավորման և Մայիսյան հերոսամարտերի 100-ամյա տարելիցները: Մեկ հոդվածով անդրադարձել ենք Հայաստանի Առաջին Հանրապետության մամուլին: Թեման շատ տարողունակ է, և հուսով ենք, որ հոդվածը կունենա շարունակություն: